



Opiniaun:

Governu ta'uk ezekuta orsamentu tanba prezensa Komisaun Anti Korrupsaun (KAK): hamosu pergunta ba públiku

Iha reuniaun plenaria Parlamentu Nasionál, Kinta-feira, 22 Setembru 2022, Distinta deputada Maria Angélica Rangel d.c. dos Reis halo deklarasaun katak Lei Medida sira Prevensaun no Kombate Korrupsaun (LMPKK) no serbisu Komisaun Anti Korrupsaun (KAK) nian mak sai hanesan impedimentu ba ezekusaun Orsamentu Jerál Estadu (OJE), tanba Governu ta'uk ho ekipa KAK nian ne'ebé serbisu hamutuk ho Governu no prezensa ekipa ne'e mós halo ezekeutivu sira serbisu la di'ak¹. Nune'e, deputadu ne'e hanoin atu altera fali lei ne'e hodi hamenus prezensa no supervizaun KAK nian ba iha OJE nian.

Relasiona ho deklarasaun ne'e, JSMP koko hato'o nia pontu-vista ka haree kona-ba LMPKK, serbisu KAK nian no serbisu Governu nian no hato'o mós rekomendasaun sira.

Lei Nú. 7/2020 kona-ba Lei Medida sira Prevensaun no Kombate Korrupsaun (LMPKK)

LMPKK ne'e nu'udar realizasaun husi esforsu Estadu no parte hotu nian hodi haforsa instituisaun sira setór judisiáriu no judisiál nian iha prevene no kombate korrupsaun iha Timor-Leste.

JSMP hanoin LMPKK ne'e di'ak tebes no forte ba kombate korrupsaun, liuliu iha parte prevensaun nian, tanba fó kompeténsia ba KAK hodi halo supervizaun no akompañia direktamente ezekusaun orsamentu Estadu. Nune'e, bele prevene no evita jestaun aat no korrupsaun iha Administrasaun Públika Estadu ne'ebé sei lori prejuízu ba Estadu no nasaun tantu iha tempu badak no mós tempu naruk.

Tanba ne'e, JSMP hanoin, bainhira Parlamentu Nasionál altera fali LMPKK hodi hamenus tiha ka halakon tiha knaar supervizaun ba ezekusaun orsamentu sei hafraku esforsu Estadu no parte hothotu nian ba prevene no kombate korrupsaun.

Serbisu KAK nian

KAK halo supervizaun no akompañamentu tuir LMPKK ba Governu iha ezekusaun orsamentu Estadu nian ne'e nia objetivu mak atu asegura ezekusaun ne'e tuir lei, regra

¹ Informasaun detallu iha ne'e: <https://tempotimor.com/politika/12559-fretilin-konsidera-lei-kak-impede-governu-ezekuta-oje-2022>

no regulamentu relevante sira no hodi evita prátika mal-jestaun no mós korrupsaun ka promote boa-governasaun. Nune'e, prezensa KAK nian ne'e tuir loloos la'ós atu halo Governu ta'uk maibé iha kontráriu, halo Governu sente seguru liután iha ezelesaun orsamentu Estadu nian.

KAK hala'o nia serbisu sala, bainhira halo intervensaun tama to'o iha desizaun no serbisu tékniku sira Governu nian no ba halo impedimentu ruma bainhira Governu ezelesaun orsamentu tuir lei, regra no regulamentu ka prosedimentu sira.

Serbisu Governu nian

Governu nia serbisu relasiona ho ezelesaun orsamentu Estadu nian mak tenke serbisu tuir lei, regra no regulamentu relevante sira. Bainhira Governu ezelesaun orsamentu Estadu tuir lei, regra no regulamentu sira, sei laiha razaun ka lójika ba Governu atu ta'uk hodi ezelesaun orsamentu ho prezensa KAK nian.

Nune'e, JSMP hanoin katak bainhira Governu ta'uk la ezelesaun orsamentu tanba prezensa KAK nian, hamosu pergunta ba iha públiku no públiku bele hanoin no diskonfia katak Governu iha intensaun la di'ak ka iha tendénsia mal-jestaun no korrupsaun. Sei laiha lójika ba Governu atu ta'uk bainhira iha intensaun di'ak no ezelesaun orsamentu tuir lei, regra no prosedimentu ka regulamentu sira.

Rekomendasaun

1. Parlamentu Nasionál

- Husu ba Parlamentu Nasionál atu hala'o nia kompeténsia konstitusionál hodi halo supervizaun no fiskalizaun ida ne'ebé ativu no efetivu atu bele asegura ezelesaun OJE tuir lei, regra no regulamentu sira.
- Husu ba Parlamentu Nasionál atu bele kestiona Governu bainhira ta'uk no la ezelesaun OJE ho prezensa KAK nian, tanba ida ne'e hatudu ona indísiu la di'ak.

2. Komisaun Anti Korrupsaun (KAK)

- Husu ba KAK atu reforsa tan prezensa KAK nian iha supervizaun no akompañamentu ba Governu iha ezelesaun OJE, nune'e, bele prevene mal-jestaun no korrupsaun.

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl

Rua Beco Lakateu, Aldeia Manufuik,
SukuColmera, Administrativu Vera Cruz

Dili Timor Leste

PoBox: 275

Telefone: 3323883 | 77040735

www.jsmp.tl

ana@jsmp.tl

Facebook: www.facebook.com/timorleste.jsmp

Twitter: @JSMPtl